

## Vil'bachatar dži andre Anglija

Pre Slovensko hin jekh gav, kaj bešen 2 780 nipi, lendar hine 1 870 Roma. O gav pes vičinel Vil'bacha (Bystrany), hin andro okresis Novejsis (Spišská Nová Ves).

..... Le Romen nane but'i, vaš  
oda mušinen te phrel te kerel but'i andre aver štati.

Varesave Roma sas imar andre Belgia, Švicarsko the Ňizozemsko. Kodoj kamenas te chudel e but'i the o azilos, al'e na ačhile kodoj, avle pale pre Slovensko. Pal'is e Slovensko gejl'a andre EU, ta peske o Roma phende, hoj zumavena andre Anglija.

E Květa Šandorovo dživel andre Anglija imar trin berš. Lakero Rom kodoj gejl'a anglal, bo sas les kodoj famel'ija.

.....Ňiko na  
dikhel pre lende či hine kale či parne. Kana bešenas pre Slovensko, ta tosara ušt'ile u na džanenas, so majinen te kerel. Varekana sas but'i, al'e ča phari but'i perdal o murša, le romňijenge Ňiko but'i na delas. Frima love, na sas chaben, renti pro čhave. Kamenas te dživel feder.

Kana pes o Roma dodžandle, sar dživen o Šandorovci andre Angl'ija, kamle te džal pal lende, pal o feder dživipen. Odgejle peršo ča o murša.

.....Na džanenas,  
kana lengere Roma stradena o kher the e but'i, kaj te šaj džan pal lende.

Vaš o murša andre Anglija na sas savoro ajso loko.

..... Sovenas ča kavka pre  
holo phuv. Kamenas, kaj pal lende te aven lengere čhave the o romňija, stradkerenas e but'i sar diline.  
.....Pro agor  
peske savore arakhle but'i – akana jekhbuter keren but'i ko chaben abo keren sar murara. Savi but'i hin, ta len.

..... Pherdo Roma akanakes  
dživen feder, sar dživenas. Arakhle savoro, so kamenas. Imar len hin, so te del andro čaro. Na bešen andre kaštune khera u o čhave phiren žuže. Mi del lenge o Del bacht the sastipen.

Milan Šenki

Amaro gendalos Radio I Rota januaris/februaris 2007

[http://www.dzeno.cz/?c\\_id=13364](http://www.dzeno.cz/?c_id=13364)